

Աջարային միանալով՝ դնում են մեծացնելու ձորոխի ջրերը :

Աջարա վտակի աղունքը կելսելենի եայլայից սկսելով՝ նախ ուղղւում է հարաւարեւմուտք, մինչեւ Ռիկեթի գեղը . ձախից ընդունելով Բակսաճէ եայլա, Դանիս-Պարաուլետի եւ աջից՝ Յեդաջարա առունները . ապա ուղղւում է արեւմուտք հասնում է Բեգլետի գեղը, ձախից ընդունելով Դիակպիս կամ Դիակմիս, աջից՝ Կարտոխի առուները : Այստեղից արեւմտահիւսիս է ուղղւում մինչեւ Դիդ-Աջարա աւանը, աջից ընդունելով Յացիխուրի, Գուդասխեւի եւ Գորջումի միացեալ եւ Դայիոնեսի, ձախից՝ Տազօ առուակները, որոնք բղխում են եւ իջնում Սակուլափերդի լից . հիւսիսից եւ Արգելտի լից հարաւից :

Դիգի = Աջարայից թեքւում է վտակը հարաւ - արեւմուտք, անցնում է Խուլա, Գորչմեխիճէ, Ալմէ, Չաօ եւ կեդիթի գեղերը ոռոգելով՝ ընդունում է Սխալտա մեծ առուակը, որ իջնում է Արսիան լից : Սխալտան դէպի արեւմուտք եւ քիչ էլ հիւսիս թեքուած ընթանալով՝ ընդունում է աջից Բակօ (Վակա), Կարագեօլ առուակները, որոնք դուրս են գալիս համանուն լճակներից, ոռոգելով համանուն եւ Մումէուլի գեղերը իրենց պարագաներով : Այդտեղ միանում է Թիսիլվան առուակը համանուն գեղից : Սխալտան աւելի առաջ գնալով՝